

TINGKAT PENGETAHUAN, PEMAHAMAN ISU BERKAITAN ASTROFIQH

Siaran Akhbar dan Foto : Universiti Islam
Sultan Sharif Ali

BANDAR SERI BEGAWAN, Rabu, 23 November. - Universiti Islam Sultan Sharif Ali (UNISSA) melalui Pusat Kepimpinan dan Pembelajaran Sepanjang Hayat (PKSPH) dengan kerjasama Pusat Penyelidikan Mazhab Syafi'i (PPMS), UNISSA, menganjurkan Kursus Latihan Astrofiqh: Penentuan Arah Kiblat.

Kursus yang diadakan pada Sabtu, 24 Rabiulakhir 1444H bersamaan 19 November 2022 itu dihadiri oleh seramai 24 peserta yang terdiri daripada pegawai dan kakitangan kementerian, orang

persendirian dan Alumni UNISSA, diadakan bermula jam 8.00 pagi hingga 4.30 petang bertempat di Kampus UNISSA Gadong.

Hadir selaku fasilitator, Ketua Program Lepas Ijazah (Syariah), UNISSA, Profesor Madya Dr. Iknor Azli bin Ibrahim.

Kursus yang bertemakan 'Bagaimana Menentukan Arah Kiblat?' berkenaan membincangkan tentang sistem koordinat yang terdapat dalam dunia astronomi dan memilih sistem koordinat mana yang menyentuh Astrofiqh.

Para peserta didedahkan mengenai konsep kiblat secara syarak, sekali gus diberikan latihan secara *hands-on* dalam penentuan kiblat asas yang santai.

Kursus berkenaan diharapkan akan dapat meningkatkan pengetahuan dan pemahaman para peserta mengenai pelbagai isu berkaitan Astrofiqh di samping bertujuan dalam mengembangkan disiplin ilmu Astrofiqh yang mempunyai kaitan secara langsung dengan akidah, ibadat dan kehidupan seharian.



PARA peserta Kursus Latihan Astrofiqh : Penentuan Arah Kiblat semasa bergambar ramai (kiri), manakala gambar atas dan bawah, sekitar kursus berkenaan.

"DAN jika kamu menghitung nikmat Allah
tentulah kamu tidak dapat menghitung banyaknya.
Sesungguhnya Allah adalah Maha Pengampun
lagi Maha Pengasih".

- Firman Allah Subhanahu Wata'ala
dalam Surah An-Nahl, ayat 18.